Bylaag B.

Maud Mary Griffiths (gebore Mr.cell) is op 25 Augustus 1874 te Pelgrimsrust gebore. Haar vader John Purcell en haar moeder Mary Ann Purcell het in 1872 van Kimberley na Mc Lachlan op Geelhoutboom in die Dist Lydenburg getrek en was dus een van die eerste delwers te Mac Mac.

Van Mac Mac het John Purcell en sy familie verskuif na Pelgrimsrust waar Maud Mary op 25 Aug. 74 as die eerste blanke delwersbaba gebore is.

Dr. Stooble, die latere Goudkommissaris, wat die geval waargeneem het, het die geboren' 10 lb. "n nugget, " gekry het en persone het selfs van Lydenburg gekom om dit te sien.

Op 24 jarige Leeftyd is Maud Mary getrou met William Herbert Lilley. (12 Junie 1898.) Uit dié huwelik is kinders gebore, 'n seun en twee dogters. Die jongste, nou 'n Mevr., Mac Farlane is die eienares van 'n winkel in die dorpie Pelgrimsrust en woon vandag nog daar.

In 1903 is William Herbert Lilley oorlede en in 1909 is Maud Mary weer getrou met 'n sekere Mr. Griffiths. Uit hierdie huwelik is weer twee dogters gebore.

Na die dood van Mr. Griffiths in Oktober 1945 het Maud Mary by haar jongste dogter, 'n Mevr. Fraser, te Whitfield naby Boksburg gaan woon.

Merv. Griffiths kan heel interessant gesels oor die pioniersdae van Pelgrimsrust en kan sy nog baie insidente onthou.

Die Sekoekoeni oorlog staan haar nog duidelik voor die gees en vertel sy dat haar ouers haar gereeld saans na die laer te Pelgrimsrust geneem het.

In 1878 het haar vader hulle die delwerye te Pelgrimsrust verlaat en verskuif na Swasiland, maar hulle het in 1880 weer na Pelgrimsrust teruggekeer.

Sy was nog jonk maar sy kan goed onthou dat hulle...
terugkoms te Pelgrinsrust 'n sekere David Benjamin dio
onliggende plase opgekoop het. (Dieselfde plase wat
vandag nog aan die Transvaal Gold Mining Estates behoort)
Die eerste bestuurder was Gardner Williams en Abey
Bailey was 'n vennoot in die maatskappy.

Mevr. Griffiths was juist te Pelgrinsrust om te kuier
by Mevr. Mac Farlane toe ek haar in Julie 1949 ontmoet
het, maar haar huisadres is:

Bus 20,
Whitfield,
Boksburg.